

Na osnovu člana 55. tačka 2. Statuta općine Ilijaš – prečišćeni tekst ("Službene novine Kantona Sarajevo", broj: 20/09), člana 99. stav 1. i člana 125. stav 3. Poslovnika Općinskog vijeća Ilijaš ("Službene novine Kantona Sarajevo", broj:2/10), Općinsko vijeće Ilijaš na svojoj redovnoj 23. sjednici održanoj dana 30.10.2014. godine, donijelo je slijedeći:

ZAKLJUČAK

**o ponovnom vraćanju tačke na dnevni red prije isteka roka od šest mjeseci
(Prijedlog Odluke o davanju saglasnosti za zaključenje Ugovora o korištenju Gradskog nogometnog stadiona u Ilijašu)**

I

Prijedlog Odluke o davanju saglasnosti za zaključenje Ugovora o korištenju Gradskog nogometnog stadiona u Ilijašu koji je razmatran i nije dobio potrebnu većinu na 20. sjednici Općinskog vijeća Ilijaš koja je održana 26.06.2014. godine, ponovo staviti na dnevni red za sjednicu Općinskog vijeća Ilijaš koja će se održati u mjesecu Novembru 2014.godine.

II

Za realizaciju ovog zaključka zadužuje se Stručna služba Općinskog vijeća i općinskog načelnika i Kolegij Općinskog vijeća Ilijaš.

Broj: 01/1_____/14
Ilijaš, 30.10.2014.godine

m.p.

Predsjedavajući
Općinskog vijeća Ilijaš

Damir Filipović

O b r a z l o ž e n j e:

Pravni osnov za donošenje predloženog zaključka sadržan je u članu 55. tačka 2. Statuta općine Ilijaš – prečišćeni tekst ("Službene novine Kantona Sarajevo", broj: 20/09), članu 99. stav 1. i članu 125. stav 3. Poslovnika Općinskog vijeća Ilijaš ("Službene novine Kantona Sarajevo", broj:2/10).

Naime članom 55. tačka 2. Statuta općine Ilijaš – prečišćeni tekst je utvrđeno da je Općinsko vijeće nadležno da "donosi odluke, druge propise i opća akta i daje njihovo autentično tumačenje", članom 99. stav 1. Poslovnika Općinskog vijeća Ilijaš utvrđene su vrste akata koje donosi Općinsko vijeće: "Općinsko vijeće donosi Statut, odluke, rješenja, budžet, izvještaj o izvršenju budžeta, poslovnik, **zaključke**, pravilnike, planove, programe, rezolucije, smjernice, te daje autentična tumačenja propisa koje donosi", a članom 125. stav 3. Poslovnika utvrđeno je da "Ako je prijedlog odluke ili drugog akta odbijen, može se ponovo podnijeti nakon isteka roka od šest mjeseci, ako Općinsko vijeće ne odluči drugačije".

Razlog za ponovno razmatranje navedenog akta je neophodnost zaključivanja Ugovora o korištenju Gradskog nogometnog stadiona u Ilijašu između Općine Ilijaš i Nogometnog kluba Ilijaš, kao korisnika ovog stadiona, u što kraćem roku. Usvajanje Odluke o davanju saglasnosti za zaključenje Ugovora o korištenju Gradskog nogometnog stadiona u Ilijašu od strane Općinskog vijeća Ilijaš je preduslov za zaključenje Ugovora o korištenju Gradskog nogometnog stadiona u Ilijašu, što će omogućiti preciznije uređenje prava i obaveza kako između Općine Ilijaš i Nogometnog kluba "Ilijaš", tako i između Nogometnog kluba "Ilijaš" i drugih potencijalnih korisnika Gradskog stadiona i ostalih pripadajućih resursa, sve u svrhu boljeg održavanja stadiona i zaštite od daljeg propadanja i njegove devastacije.

Nosilac stručne obrade: Služba za društvene djelatnosti

Predlagač: Općinski načelnik